

castro Retelheim duximus hanc gratiam faciendam, hoc titulo feodi a nobis et imperio tenendum, habendum, possidendum, ut sex Iudei, de quacumque civitate vel oppido fuerint, nisi de nostris et imperii civitatibus vel oppidis, apud Retelheim valeant commorari; dictusque Henricus et sui heredes utilitatem a dictis Iudeis proveniente colligent et habebunt, et ex ea dictum castrum Retelheim reedificabunt et edificia sustinebunt. Volumus etiam et concedimus talibus Iudeis ibidem apud castrum nostrum antedictum commorantibus, ut apud oppidum nostrum Frankenfort possint emere, vendere, pecunias suas mutuare, et ad similitudinem aliorum Iudeorum, qui ibidem commorantur, debent a sculteto nostro in Frankenfort vel extra¹. Noster scultetus in Frankenfort debet eis exhibere plenum iusticie complementum, nec aliquis noster officialis in Frankenfort vel alibi constitutus cuiuscumque dignitatis vel status sturam aliquam seu precariam vel exactionem, seu quodcumque servitium a Iudeis recipiat memoratis; sed totum emolumentum ab eis Iudeis proveniens dicto Henrico et suis heredibus ratione dicti castri reedificandi cedere volumus penitus et omnino. In cuius rei testimonium presentes litteras conscribi fecimus et nostri sigilli munimine roborari. Datum Erfordie XIII. kal. oct. ind. tercia, anno dom. millesimo ducentesimo nonagesimo, regni vero nostri anno septimodecimo.

Or. Pgt. Siegel etwas verletzt.

IV.

1303. Mai 2. K. Albrecht gestattet Ulrich von Hanau, die ihm von K. Rudolf verpfändeten Juden zu Minzenberg, Assenheim und Nidda an Philipp und Philipp v. Falkenstein zu verpfänden.

Nos Albertus, dei gracia Romanorum rex semper augustus, ad universorum noticiam cupimus pervenire, quod, cum nobilis vir Ulricus de Hanowe, fidelis noster dilectus, Iudeos in Minzenberg, in Assenheim et in Nidehe, sibi per serenissimum dominum Rudolfum Romanorum regem, predecessorem et genitorem nostrum karissimum, ratione homagii sibi facti nomine imperii pro quadam summa pecunie, iuxta quod in litteris ipsius genitoris nostri et nostris super eo confectis continetur plenius, obligatos, nobilibus viris Philippo et Philippo de Valkenstein, fidelibus nostris dilectis, in omni condicione, sicut eidem Ulrico obligati existunt, pro eadem summa pecunie duxerit obligandos, et nostri consensus beneplacitum requisierit super eo; nos propter sua grata obsequia nobis et imperio exhibita et impensa ipsius requisicioni favorabiliter annuentes,

1) So!